

欽定授時通考

茶桑

欽定授時通考

茶桑

臣曾克相敬題

御製授時通考序

孟子言不違農時穀不可
勝食蓋民之大事在農農
之所重惟時敬授人時載
於堯典周公七月一篇於
日星霜露之候昆蟲草木

聖祖

之化詳哉其言之故先王
之民莫不震動悟恭於農
以修其事者懼失時也我
仁皇帝勤咨民隱首重農
桑率育蒸黎涵濡德澤六
十餘載戶慶盈寧

皇考

世宗憲皇帝歲舉耕耨之

儀率先天下興水利廣儲

蓄為萬世規凡茲薄海蒼

生得荷鋤饁餉優游隴畝

之間樂生遂性衣食滋豐

者何莫非我

祖宗

宵旰勤勞以貽樂利於無

疆耶朕續承基緒鑒前代

生深宮之中長阿保之手

誠知稼穡艱難日與中外

臣工為斯民籌食用至計

胼胝機杼之作苦日厯於

懷曰檢前人農桑通訣農
政全書諸編嘉其用意勤
而於民事切也命內廷詞
臣廣加蒐輯舉物候早晚
之宜南北土壤之異耕耘
之節儲侍之方蠶織畜牧

之利自經史子集以及農
家者流凡言之關於農者
彙萃成編命之曰授時通
考夫天道廣運於上而四
時行萬彙生地道發育於
下而庶品蕃百昌遂人事

參贊其中而六府修三農
殖輔相裁成固國家之大
政也趨事赴功亦閭閻之
本業也貴穀劬農服田力
穡上下交勉弗懈於時以
副朕阜成海宇之至願覽

斯編者尚有取焉

乾隆七年歲在壬戌春正
月下澣八日御筆

江西巡撫臣陳弘謀謹

奏為刊布

欽定書籍以廣

聖化事臣蒙

聖恩頒賜

欽定授時通考全部臣已循例具疏恭謝

天恩臣竊惟國以民為本民以食為天古聖王皆以此
為急務我

皇上紹百王之道法承

列聖之心傳

宵旰勤求惟在民生食用伏見

欽定授時通考一書凡天時地利之宜東作西成之事
與夫倉儲積貯蠶桑牧植之方無不原本經史參
酌古今而我

朝詔令煌煌輔相裁成重農務本尤爲超軼前古誠致
太平之寶冊多流傳一部即多收一部之益也外
省督撫諸臣已蒙

恩賜臣愚以為自司道以及府廳州縣均宜恭捧一冊
以資考求而板貯

內府刷印難於廣及臣商之司道擬為重刊廣布俾通
省大小各官皆知以勸課農桑為要務下至士庶
得見此書不但趨事赴功有所法則且羣仰

九重之上

萬幾之餘猶為講求稽事備極精詳必能相勉於孝弟
力田共安於食時用禮官有資於治理民以厚其
風俗庶足仰副

皇上敦本厚生之至意緣係奉

旨恩賜之書所有重刊情由擬合陳奏仰懇

皇上賞賜一部俾得上板重刊即以臣前蒙

恩賜之書敬謹校對刊畢仍得什襲珍藏留為世寶臣

不勝踴躍待

命之至伏乞

皇上睿鑒施行臣謹

奏

乾隆七年十月十九日奏二十日奉
硃批知道了欽此

光緒四年五月初一日內閣抄出

上諭刑部代奏主事曾克相應詔陳言一摺民間樹藝之事五穀而外惟茶與桑實爲自然之利果能廣爲勸諭種植得宜亦足以厚民生而裨日用著各該省督撫謹遵

欽定授時通考督飭地方官切實講求茶桑兩種應如何培養採取之法各視地之所宜勸令民間廣爲栽植該地方官如能勸有成效准其奏請獎勵欽此

欽定授時通考

茶

